

Construidra d'orglas AFQ

Construider d'orglas AFQ

Kunst, Kunsthandwerk

Sco construidra u construider d'orglas construeschas ti orglas e reparas ellas. Ti mantegnas ils instruments ed elimineschas disturbis. Ti monteschas accessoris ed accordeschas las orglas, procuras pia ch'ellas tunan puspè bain. Ultra da quai cusseglias ti las clientas ed ils clients.

Incumbensas

Cussegliar la clientella

- infurmar la clientella davart las reparaturas
- cussegliar la clientella, p.ex. en connex cun cumpras u cun la construcziun d'orglas

Construir orglas

- disegnar plans da construcziun e planisar singuls pass da lavur per construir l'orgla
- empustar il material
- construir parts d'orgla, p.ex. la suflera che reparta l'aria sin ils tschivlots, la chascha da lain massiv u tocs pitschens per registers u tschivlots da lain
- metter ensemen parts d'orgla e montar quellas en la chascha da l'orgla
- integrar parts electronicas en la regulaziun da l'orgla

Montar las orglas

- demontar e transportar l'orgla, p.ex. en ina baselgia u sala da concert
- montar l'orgla
- intunar il tschivlots da l'orgla, per ch'els tunian bain
- analisar il tun da l'orgla cun spezialistas e spezialists e far correcturas vi da l'intunaziun

Mantegnair orglas

- demontar l'orgla
- nettegiar las parts da l'orgla
- tractar la surfatscha e controllar l'instrument areguard disturbis e mancanzas, p.ex. miffa, infestiun d'insects u ruina
- controllar ils conducts d'aria e reparar lieus permeabels
- metter puspè ensemen ed accordar l'orgla
- controllar e reglar la mecanica

Ambient da lavur

Sco construidra u construider d'orglas lavuras ti en lavuratoriis u tar la clientella. Per il pli es ti activa u activ en baselgias, nua che ti lavuras en l'autezza.

Ti lavuras en manaschis da construcziun d'orglas u instruments ubain en fatschentas spezialisadas. Il martgà da lavur en Svizra è pitschen, ma la dumonda sunter glied spezialisada talentada resta stabila. Var 8 manaschis da construcziun



d'orglas porschan plazzas d'emprendissadi.

Pretensiuns e interess

Pretensiuns

- Inschign manual
- Moda da lavurar independenta
- Imaginaziun tridimensiunala
- Prontezza d'esser savens sin viadi
- Udida musicala
- Moda da lavurar sistematica
- Moda da lavurar conscienziusa ed exacta

Interess

- Lavurar cun ils mauns
- Lavurar en moda exacta
- Elavurar lain
- Elavurar metal

Scolaziun

Manaschis

Furmaziun pratica en in atelier da construcziun d'instruments u en ina fatschenta spezialisada

Scola

Curs da bloc da 9 emnas per onn en la scola professiunala spezialisada Arenenberg a Salenstein (TG)

Curs odaifer il manaschi

Scola professiunala spezialisada Arenenberg a Saleinstein (TG): 41 dis durant 4 onns

Durada

4 onns

Cundiziuns d'admissiun

Terminà la scola obligatorica

Maturitad professiunala

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professunala.

Titel da finiziun

Construider / Construidra d'orglas AFQ

Furmaziun cuntinuonta

Curs

Curs da l'associaziun Cuminanza d'interess per ils construiders d'instruments da musica (IGMIB) ↗
<https://www.musikinstrumentenbauer.ch/de/kurse-weiterbildungen/kurse-und-weiterbildungen.htm>

Scola spezialisada superiura (SSS)

- Designer / Designra da products SSS

Scola auta spezialisada (SAS)

- Bachelor of arts en design da products e design industrial

Tut tenor la scola auta spezialisada valan differentas cundiziuns d'admissiun.

Furmaziuns supplementaras a l'exteriur

Construider / Construidra da clavazins e da cembalos en la Scola Oscar-Walcker per la construcziun d'instruments da musica ↗
<https://www.ows-lb.de/schulangebot/berufe/musikinstrumentenbau/klavier-und-cembalobauerin>
a Ludwigsburg (Germania).

Professiuns sumegliantas

Professiun

**Construider / Construidra da gias
AFQ**

<https://www.berufsberatung.ch/de/rm/professiun/construider-construidra-da-gias-afq>

Professiun

**Fabritgader / Fabritgadra da
tschivlots d'orglas AFQ**

<https://www.berufsberatung.ch/de/rm/professiun/fabritgader-fabritgadra-da-tschivlots-dorglas-afq>

Professiun

**Construider / Construidra da
clavazins AFQ**

<https://www.berufsberatung.ch/de/rm/professiun/construider-construidra-da-clavazins-afq>

Professiun

**Construider / Construidra
d'instruments da flad AFQ**

<https://www.berufsberatung.ch/de/rm/professiun/construider-construidra-dinstruments-da-flad-afq>

Ulteriuras infurmaziuns

Swissdoc Nummer

0.821.16.0

TODO

Netzwerk Kleinstberufe

<https://kleinstberufe.ch/>

Interessengemeinschaft Musikinstrumentenbauer (IGMIB)

<https://www.musikinstrumentenbauer.ch/de/startseite/home.htm>

Gesellschaft Schweizerischer Orgelbaufirmen (GSO)

<https://www.orgel.ch/de/>

TODO

<https://www.becc.admin.ch/becc/public/bvz/beruf/show/54217?lang=de>